



**METODOLOGIJA
ZA OCJENU APLIKACIJA ZA NAGRADU ZA BIZNIS
LIDERE ODRŽIVOG RAZVOJA U BIH ZA 2024. GODINU**



Nagrada za biznis lidere održivog razvoja u BiH se organizuje na godišnjem nivou s ciljem promoviranja aktivnosti privatnog sektora u oblasti održivog razvoja zemlje.

Privatne kompanije već pokreću i poduzimaju hvale vrijedne aktivnosti i strategije koje doprinose Ciljevima održivog razvoja kako na globalnoj razini, tako i na razini Bosne i Hercegovine.

Nagrada za biznis lidere održivog razvoja u BiH ima za cilj:

- prepoznati i istaknuti inicijative privatnih kompanija u realizaciji Ciljeva održivog razvoja u BiH,
- motivirati druge aktere u privatnom sektoru da uvrstavaju Ciljeve održivog razvoja u svoje poslovne modele.

I ove godine se kroz proces aplikacije pokušava pomoći kompanijama da uvedu izvještavanje na osnovu standarda Globalne inicijative za izvještavanje (Global Reporting Initiative - GRI) te ESG (Environmental, Social, Governance) standarde, koncept koji se odnosi na zaštitu okoline, društvenu odgovornost i etičko upravljanje. Aplikacioni formular za Nagradu slijedi ESG i GRI propisane standarde te na kraju procesa kompanije dobijaju osnovu za izradu aneksa godišnjeg izvještaja o održivom razvoju na nivou kompanije.

Nagrada se organizira u okviru projekta „Okvir za realizaciju Ciljeva održivog razvoja kao temelj za održiv i inkluzivan rast u Bosni i Hercegovini (SDG2BiH)“ koji finansira Švedska, a implementira UNDP u partnerstvu sa UNICEF-om i UN Women uz podršku Ujedinjenih nacija bh. vlastima u implementaciji Okvira SDG-a u BiH. Zvanični partner Nagrade je Vanjskotrgovinska/Spoljnotrgovinska komora Bosne i Hercegovine.

Glavne teme i opći uslovi za aplikacije

Fokus nagrade za 2024. g. su **zaštita okoliša, inovacija i stvaranje novih kvalitetnih radnih mjesta**, kroz koje će se identificirati biznis lideri održivog razvoja u Bosni i Hercegovini za 2024. godinu u dvije tematske oblasti, a to su “Ljudi” (kompanije koje kreiraju kvalitetna radna mjesta) i “Resursi i okoliš” (kompanije koje smanjuju negativni utjecaj na okoliš i promoviraju efikasno korištenje resursa).

Tematska oblast “Ljudi”

Nagrada za biznis lidere održivog razvoja za 2024. godinu u ovoj kategoriji dodjeljuje se kompanijama koje su inspiracija ostalim u stvaranju novih, kvalitetnih radnih mjesta zbog načina na koji daju doprinos razvoju lanaca vrijednosti temeljem suradnje s dionicima (SDG 5, 8, 9, 10 i 12).



Tematska oblast “Resursi i okoliš”

Nagrada za biznis lidere održivog razvoja u BiH za 2024. godinu u ovoj kategoriji dodjeljuje se kompanijama koje dokazuju da smanjuju svoj ekološki otisak kroz procese dekarbonizacije i inovacije procesa proizvodnje, kao i one koje imaju jasnu viziju i koje kontinuirano poboljšavaju svoje lance vrijednosti (SDG 5, 9, 11, 12 i 16).

Kategorije kandidata

Nagrada za biznis lidere održivog razvoja u BiH dodjeljuje se mikro, malim, srednjim i velikim kompanijama koje se prijave za nagradu popunjavanjem relevantnih upitnika.

Kategorizacija kompanija se vrši po važećim zakonskim propisima koji vrijede na teritoriji na kojoj je kompanija registrovana.

Nagrade

Kompanije se mogu prijaviti za nagradu za tematsku oblast “Ljudi” i/ili za nagradu za tematsku oblast “Resursi i okoliš”.

Nagrada se dodjeljuje za najviše devet kompanija tokom svečanosti godišnje dodjele. Pobjednici će biti nagrađeni u četiri kategorije za ostvarene rezultate u dvije tematske oblasti (npr. pobjednik u kategoriji “Ljudi” za mikro preduzeća).

Također se predviđa i ukupni pobjednik takmičenja (Apsolutni pobjednik). Apsolutni pobjednik se bira među kompanijama koje su se prijavile u obje tematske oblasti i pokazale izvanredne rezultate u obje kategorije, te osvojile najviše bodova i time potvrdile poštovanje GRI i ESG standarda i svoju ulogu u ostvarivanju SDG-eva.

Organizator Nagrade zadržava pravo da ne dodijeli priznanje u nekoj od kategorija, ukoliko se za tu kategoriju ne prijavi dovoljan broj firmi ili prijavljene aplikacije ne budu odgovarajućeg kvaliteta.

Ukoliko se u okviru neke kategorije prijavi manje od tri firme, one će biti pridružene aplikacijama u kategoriji koja je najbliža onoj u kojoj su konkurisali i imaće ravnopravan status za dobijanje nagrade.

Kriteriji za ocjenjivanje

Ocjenjivanje vrši nezavisni *Panel eksperata*. *Panel eksperata* pregleda sve aplikacije i samostalno ocjenjuje sve pristigle prijave. Rezultate ocjenjivanja će potvrditi tim programa SDG2BiH i Vijeće za praćenje realizacije Ciljeva održivog razvoja u BiH.

Rezultati pojedinačne procjene svakog člana Komisije će dati ukupan zbir bodova za svaku prijavu.

Prijave sa najviše bodova u odnosnim kategorijama biće u užem izboru i biće pozvane da dostave dodatne informacije na temelju kojih će biti ustanovljene tri ili četiri prvoplasirane kompanije (finalisti), koje će biti pozvane na završnu ceremoniju. Broj kompanija u užem izboru ovisi od ukupnog broja prijavljenih kompanija u svakoj kategoriji i odnosa između njihovih ukupnih bodova.

Sistem evaluacije se provodi u dvije faze i osam koraka:

Prva faza:

1. *Panel eksperata* uzima u obzir sve prijave i vrši bodovanje kompanija u oblastima „Ljudi“ i „Resursi i okoliš“
2. Utvrđuju se prvoplasirane kompanije u osam kategorija pojedinačno, i to:
 - a. „Ljudi“
 - i. mikro kompanije
 - ii. male kompanije
 - iii. srednje kompanije
 - iv. velike kompanije
 - b. „Resursi i okoliš“
 - i. mikro kompanije
 - ii. male kompanije
 - iii. srednje kompanije
 - iv. velike kompanije

Druga faza:

3. Kompanijama koje su ušle u užu izbor šalje se dodatni upitnik na ispunjavanje

4. Na osnovu ostvarenih bodova iz dodatnog upitnika, kreira se rang lista kompanija koje su ušle u uži izbor i utvrđuju tri ili četiri (ovisno od broja bodova u određenim kategorijama) prvoplasirane kompanije u svakoj kategoriji (finalisti)
5. Pravi se detaljno istraživanje rada kompanija finalista na temelju informacija dostavljenih kroz upitnike i vrši bodovanje
6. SDG2BiH tim i Vijeće za praćenje realizacije Ciljeva održivog razvoja u BiH pregledaju rezultate evaluacije
7. Na temelju bodova iz prve runde bodovanja te broja bodova iz druge runde, Panel utvrđuje pobjednike u kategorijama:
 - „Ljudi“ - mikro kompanija
 - „Ljudi“ - mala kompanija
 - „Ljudi“ - srednja kompanija
 - „Ljudi“ - velika kompanija
 - „Resursi i okoliš” – mikro kompanija
 - „Resursi i okoliš” – mala kompanija
 - „Resursi i okoliš” – srednja kompanija
 - „Resursi i okoliš” – velika kompanija
8. Nezavisni Panel eksperata potvrđuje koja kompanija iz odnosnih kategorija je dobila najviše bodova u zbiru aplikacija za obje tematske oblasti i proglašava kompaniju Apsolutnog pobjednika Nagrade za biznis lidere održivog razvoja u BiH za 2024. godinu.